

特約 新界風土名勝大觀

一七

江山故人

(禁止轉載)

第一章 概說

(昂平禪地)風景

高出水平綫幾二千英尺、其間爲蓮花山、彌勒山、鳳凰山、獅子頭山、木魚山等、皆具鍾靈毓秀之氣、蓋新界高原之疊嶂勝者也、在此縱橫一英方里間、有禪樓數十、如寶蓮禪寺、般若殿、章馱塔、阿彌陀佛林、普明禪院、蓮池禪院等、都清淨絕塵、極名山梵宇之勝、而蓮花山如石城、彌勒山如容如笑、鳳凰山氣勢崇雄、點綴其間、尤爲渺逸、時而霧海雲濤、斜拖橫抹、禪樓隱現、如處蓬萊、至若芒鞋布裙

梵韻鐘聲、出沒雲間、飄忽如仙、更不復知人間何世矣、是爲新界十景之七、曰昂平禪地、詩云、此間別有蓬萊境、鐘聲梵韻動雲天、(鞍嶺朝陽)馬鞍山蓋立潮水灣與陀羅港之間、勢極雄峻、狀如馬鞍、若登獅子山之巔而遙望之、其形絕肖一馬、垂首飲水於潮灣、至佳勝也、每當晨光熹微、朝曦初上、自大埔墟遠望、山、適見旭日掠其山腰而出、光芒四射、流虹掩映、長空耀彩、如列錦鋪繡、蔚爲大觀、是爲新界十景之八、曰鞍嶺朝陽、詩云、看從旭日限山處、鞍嶺豪光萬丈芒、(帽山俯瞰)大帽山高

三千餘英尺、雄視新界羣山、登其絕頂、縱目四顧、一片河山、如在畫圖中也、遠如深圳河、南頭城、南山、蛇口、沙頭角、梧桐山、上水、粉嶺、長洲、鳳凰山等、近如沙田、錦田、元朗、屏山、厦村、屯門、大埔、香島、青衣、荃灣等、皆歷歷可數也、其最形勝者、厥爲杯渡山、獅子山、馬鞍山、八仙山及針山、咸環列俯伏其前、若大鵬、及香島、大嶼山以南、都一望無涯、雲霧萬里、風帆點點、煙波淼淼、極目騁懷之娛也、是爲新界十景之九、曰帽山俯瞰、詩云、登峯一覽羣山小、

指點珠江在雲、(娘潭飛瀑)在八仙嶺之陰、潭深莫測、旁有高數十丈之巨瀑、瀑以巖勢之阻、激湍飛濺、小瀑分流、垂瀝若銀幔、水聲擊耳、清越可聽、炎夏至此、最爲佳趣、潭之周、爲懸崖、巖峴有綴、傳明末時、有新娘坐與過此、因此水勢湍急、與伏與新、同溺於潭中、是爲新界十景之十、曰娘潭飛瀑、詩云、可憐明末于歸婦、無限幽情付此潭、(此段已完)勘誤：昨兩日副題「風景」誤植「古蹟」、合更正、